



Adresa: **Ul. Hamdije Čemerlića 39.**
71000 Sarajevo
<http://www.voda.ba>

tel. +387 33 726--410
fax. +387 33 726-414
e – mail: info@voda.ba

Broj: **UP-I/25-1-40-012-4/21**

Datum: 18.02.2021. godine

„Agencija za vodno područje rijeke Save“ Sarajevo, rješavajući po zahtjevu Službe za prostorno uređenje i zaštitu okoliša, Grad Tuzla a u ime pravnog lica "ELEKTROPRIJENOS BiH" a.d. Banja Luka, za izdavanje prethodne vodne saglasnosti za ispuštanje tehnoloških otpadnih voda sa lokacije poslovnog objekta namjene -administrativna zgrada, otvoreno i zatvoreno skladište, planiranog za izgradnju u naselju Ljubače, Tuzla, na osnovu člana 139. stav (1) tačka 3. Zakona o vodama („Službene novine Federacije BiH“ broj: 70/06) i člana 218. stav (2) Zakona o upravnom postupku («Službene novine Federacije BiH», br. 2/98, 48/99) d o n o s i:

ZAKLJUČAK

1. Odbacuje se zahtjev pravnog lica "ELEKTROPRIJENOS BiH" a.d. Banja Luka, za izdavanje prethodne vodne saglasnosti za ispuštanje tehnoloških otpadnih voda sa lokacije poslovnog objekta namjene administrativna zgrada, otvoreno i zatvoreno skladište, planiranog za izgradnju u naselju Ljubače, Tuzla, na zemljištu označenom kao k.č. 5082/2, 5017/2, 5077/2 i 5080/2 K.O. Husino, obzirom da za predmetnu aktivnost, a u skladu s odredbama člana 139. stav (1) Zakona o vodama, nije propisana obaveza pribavljanja vodnih akata od strane ove Agencije.
2. Ovaj Zaključak ne oslobađa podnosioca zahtjeva obaveze pribavljanja suglasnosti i dozvola od strane drugih nadležnih organa, a sve u skladu sa važećim zakonskim propisima, odlukama, uredbama i dr.
3. Ukoliko tokom korištenja objekta dođe do promjene namjene istog, a pri čemu će dolaziti do produkcije i ispuštanja tehnoloških otpadnih voda u površinske vode ili okoliš, korisnik objekta dužan je da pribavi vodne akte od nadležnog organa.

Obrazloženje

Služba za prostorno uređenje i zaštitu okoliša, Grad Tuzla, uputila je zahtjev broj: 06/13-19-11802-2020 – AF od 08.01.2021. godine u ime pravnog lica "ELEKTROPRIJENOS BiH" a.d. Banja Luka, ovoj Agenciji za izdavanje prethodne vodne saglasnosti za ispuštanje tehnoloških otpadnih voda sa lokacije poslovnog objekta namjene -administrativna zgrada, otvoreno i zatvoreno skladište, planiranog za izgradnju u naselju Ljubače, Tuzla, na zemljištu označenom kao k.č. 5082/2, 5017/2, 5077/2 i 5080/2 K.O. Husino.

Uz zahtjev je dostavljena sljedeća dokumentacija:

A. Opšta dokumentacija

- Rješenje o upisu u registar broj : 08-50.3-01-4/06 od 01.02.2006 godine izdato od strane Ministarstva pravde BiH- kopija,
- Ovjerena kopija Uvjerenja o poreskoj registraciji izdatoj od Porezne uprave Kantonalni porezni ured Sarajevo, od 02.03.2006. godine,
- Ovjerena kopija Uvjerenja o registraciji/upisu u Jedinstveni registar obveznika indirektnih poreza broj: 04/1-UPP/1-1797/07 od 01.08.2007 godine, izdatog od strane Uprave za indirektno-neizravno oporezivanje Banja Luka,
- Uplatnica za upravnu taksu u iznosu od 80.00 KM i 3,00 KM Federalne takse na zahtjev,
- Izvod iz prostornog plana za predmetne parcele broj: 06-19-11802-2020 od 08.01.2020 godine izdat od strane Služba za prostorno uređenje i zaštitu okoliša, Grad Tuzla
- Izjašnjenje podnosioca zahtjeva o vrsti materijala koji će se skladištiti u predmetnom poslovnom prostoru,

B. Tehnička dokumentacija

- Glavni projekat za poslovni objekat otvorenog magacinskog prostora urađen od strane „TEHNO BIRO“ d.o.o. Tuzla broj 18-J/17, juni 2017 godine- kopija.
- Studija za pribavljanje prethodne vodne saglasnosti za poslovni objekat (administrativna zgrada, otvoreno skladište i otvoreno skladište) u naselju Ljubače kod Tuzle, urađena od strane JP „Spreča“ d.d. Tuzla, februar 2021 godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Uvidom u Studiju priloženu uz zahtjev i ostalu dokumentaciju, utvrđeno je sljedeće:

- U predmetnom zahtjevu je navedeno da se traži izdavanje prethodne vodne saglasnosti za ispuštanje tehnoloških otpadnih voda sa lokacije poslovnog objekta namjene -administrativna zgrada, otvoreno i zatvoreno skladište, planiranog za izgradnju u naselju Ljubače, Tuzla, na zemljištu označenom kao k.č. 5082/2, 5017/2, 5077/2 i 5080/2 K.O. Husino .
- Uvidom u dostavljenu dokumentaciju uz zahtjev utvrđeno je da su predmetni poslovni objekti namijenjeni isključivo za skladištenje opreme i materijala neophodnih za obavljanje djelatnosti.
- Na predmetnoj lokaciji je planirana izgradnja poslovne zgrade (spratnosti P+1), zatvoreni magacin (P+0) i otvoreni nadkriveni magacin (P+0).
- U magacinima se planiraju skladištiti sljedeća oprema i materijali: alati i sitni inventar kao bušilice, brusilice, motorne pile, HTZ oprema, VN zaštitna oprema, PP aparati, rezervni dijelovi, računalna oprema, pocinčana konstrukcija, demontirana oprema, redovni i potrošni materijal kao vijci, boje, trafo ulja i dr.
- Skladištenje trafo ulja za energetske transformatore će se vršiti u otvorenom nadkrivenom prostoru u zatvorenim buradima na vodonepropusnoj podlozi, te nema mogućnosti isticanja istog u okolni prostor. Na predmetnoj lokaciji nema pretakanja trafo ulja nego se isto u zatvorenim buradima prevozi do energetskih transformatora.
- Na osnovu navedenog se zaključuje da će se sva oprema i materijal koji se planira skladištiti u magacinima nalaziti u zatvorenom prostoru te neće biti mogućnosti uticaja oborina i eventualnog nastanka otpadnih voda.

U samom proizvodnom procesu ne nastaju tehnološke otpadne vode kao rezultat tehnološkog postupka kako je to utvrđeno odredbama člana 3. stav (1) tačka (cc) Uredbe o uvjetima ispuštanja otpadnih voda u okoliš i sisteme javne kanalizacije („Sl. novine FBiH“, br. 26/20), odnosno nema ispuštanja otpadnih voda u smislu odredbi članom 139. stav (1) tačka 3. Zakona o vodama FBiH.

Nadalje je utvrđeno da ne nastaju oborinske onečišćene vode, kako je to utvrđeno odredbama člana 3. stav (1) tačka (s) Uredbe o uvjetima ispuštanja otpadnih voda u okoliš i sisteme javne kanalizacije.

Na osnovu utvrđenog činjeničnog stanja, a u skladu sa članom 123. stav 2. Zakona o upravnom postupku, članom 139. stav (1) Zakona o vodama, riješeno je kao u dispozitivu ovoga Zaključka.

Podnosilac zahtjeva je uplatio upravnu taksu u iznosu od 80 KM i 3 KM u skladu sa članom 7. stav 1. tarifni broj 43. Zakona o federalnim upravnim taksama („Službene novine Federacije BiH“, broj 6/98, 8/00, 45/10 i 43/13).

Pouka o pravnom lijeku:

Protiv ovog zaključka može se uložiti posebna žalba Federalnom ministarstvu poljoprivrede, vodoprivrede i šumarstva Sarajevo u roku od 15 dana od dana prijema ovog zaključka.

Žalba se predaje Agenciji za vodno područje rijeke Save (ul. Hamdije Čemerlića 39.a Sarajevo), neposredno pismeno, usmeno na zapisnik ili preporučeno putem pošte. Žalba se taksira sa 15 KM federalnih taksi po Tar. br. 3. tarife federalnih administrativnih taksi.

Obrađivač akta: Ahmedić Behija dipl.inž.tehn.

Po ovlaštenju
Rukovodilac sektora za izdavanje vodnih akata

Haris Ališehović, dipl.ing.građ.

Dostaviti:

- "ELEKTROPRIJENOS BiH" a.d. Banja Luka OP Tuzla, Ljubače bb, p.fah 79, Tuzla
- Služba za prostorno uređenje i zaštitu okoliša, ZAVNOBiH br. 11, Grad Tuzla
- AVP Sava ISV-Vodna knjiga,
- Sektor 40-arhiva
- Oglasna Tabla AVP Sava Sarajevo